

2
974.C.18.
2
METHODUM
INSECTORUM
SEU
INSECTA
IN

Methodum aliqualem
DIGESTA:

A
JOANNE R A I O, M.
E Societate Regiâ.

L O N D I N I:

Apud Sam. Smith & Benj. Walford, Societ
Regiæ Typographos, ad Insignia Princ
in Area Boreali D. Pauli, c/o lo co v

METHOD
INSECTORUM

SEU

INSECT

IM

Methodum aliquod

DIGESTA

A

JOHANNES RAY

E Societate Regia

LONDINA

Apud Sam. Smith & Son, N. York, Socii
Regiae Typographi, ad insignia Prin-
cipis in Area Portu D. Pauli, c. 15. c.

W. Smith & B. Walford venalia.

Historia Plantarum, Species habentibus editis aliisque
 infusis multas novas inventas & descriptas com-
 pletum. Tomi duo. Vol. 1656.
 Phil. Tomus tertius, qui est Supplementum duorum
 precedentium; cum accessionibus Camelli & Tamaris-
 Catalogus Plantarum circa Cantabrigiam nascentium,
 Baro. Cantab. 1660. cum Appendice.
 Catalogus Plantarum Anglie, &c. 8vo. 1670. & 1677.
 Philodulus Stirp. Britann. post editum Carol. 1683.
 Catalogus Stirpium in ext. regg. observat. 1683.
 Methodus Plantarum nova cum Tabulis, 1682.
 Synopsis Methodus Stirp. Britann. in qua cum Notis
 Generum Characteribus traduntur, tum Species singulas
 breviter describuntur, &c. 1690.
 Phil. Synop. multos Stirpes & Observationibus curiosis
 partem inferis, cum Mulcerum Methodo & Historia ple-
 nior, &c. 1696.
 Epistola ad D. R. de Methodo Plantarum in qua
 Thomas Baro D. Tamaris tanguntur, 1696.
 Dissertatio de variis Plantarum Methodis, 1696.
 Stirp. Europ. extra Britannias nascentium Sylloge, 1697.
 Synopsis Methodus Animalium Quadrupedum & Ser-
 pentum Generis, 1699.
 Dictionarium Trilingue, scilicet Latine, Gallice, &
 1699, 1700.
 Thomas Willughbius Historia Piscium cum Tab. 1700.
 Cognovit, sive in Angliam, &c. 1700.
 Phil. Ornithologia cum fig. edente eod. 1700.
 The same much enlarged in English, 1708.
 Observations Topographical, Moral, and Physiological,
 made in a Journey thro' several Parts of Europe, &c. 1703.
 Collection of unusual or local English Words, with an
 Account of preserving English Words, &c. 1704 and 1705.
 Collection of English and other Proverbs, &c. 1708.
 A Treatise on a Holy Life, 1700.
 The Wisdom of God manifested in the Works of the
 Creation. In Two Parts. To which are added Answers
 to some Objections.

*Ejusdem Cl. Authoris Opera apud S. Smith &
B. Walford venalia.*

Historia Plantarum, Species hæcenus editas aliasque
insuper multas noviter inventas & descriptas com-
plectens. Tomi duo. *Fol.* 1686.

Ejusd. Tomus tertius, qui est Supplementum duorum
precedentium; cum accessionibus *Camelli* & *Tournefortii*,
1704.

Catalogus Plantarum circa Cantabrigiam nascentium,
Octavo, Cantab. 1660. cum Appendice.

Catalogus Plantarum Angliæ, &c. 8vo. 1670. & 1677.

Fasciculus Stirp. Britann. post editum Catal. præd. 1688.

Catalogus Stirpium in ext. regg. observat. 1673.

Methodus Plantarum nova cum Tabulis, 1682.

Synopsis Methodica Stirp. Britann. in qua tum Notæ
Generum Characteristicæ traduntur, tum Species singulæ
breviter describuntur, &c. 1690.

Ead. Synop. multis Stirpibus & Observationibus curiosis
passim insertis, cum Mulcorum Methodo & Historia ple-
niore, &c. 1696.

Epistola ad D. Rivinum de Methodo Plantarum in qua
Elementa Botanica D. Tournefort tanguntur, 1696.

Dissertatio de variis Plantarum Methodis, 1696.

Stirp. Europ. extra Britannias nascentium Sylloge, 1694.

Synopf. Methodica Animalium Quadrupedum & Ser-
pentini Generis, 1693.

Dictionariolum Trilingue, sec. Locos commun. 1672,
1689, 1696.

Francisci Willughbeii Historia Piscium cum Fig. Re-
cognovit, digessit, supplevit Jo. Raius, *Oxon.* *Fol.* 1686.

Ejusd. Ornithologia cum Fig. edente eod. 1676.

The same much enlarged in *English*, 1678.

Observations Topographical, Moral, and Physiological,
made in a Journy thro' several Parts of *Europe*, 8vo. 1673.

Collection of unusual or local *English* Words, with an
Account of preparing *English* Metals, &c. 1674 and 1691.

Collection of *English* and other Proverbs, *Camb.* 1678.

A Persuasive to a Holy Life, 1700.

The Wisdom of God manifested in the Works of the
Creation. In Two Parts. To which are added Answers
to some Objections.

Three Physico-Theological Discourses, &c. With pra-

METHODUS INSECTORUM.



INSECTA Latinis; Græcis ἔντομα, in utraque lingua ab incisuris quas in corpore habent, appellantur. *Aristot. lib. 1. Historia Animal. cap. 1.* Κατὰ δ' ἔντομα ὅσα ἔχει κατὰ τὸ σῶμα ἔντομας ἢ ἐν τοῖς ὠτίοις, ἢ ἐν τέτοις τε καὶ τοῖς πρᾶνσι.

Insecta autem appello, quorum corpus incisuris præcinitur, aut in parte tantum supina, aut etiam pronæ. *Plinius similiter lib. 11. cap. 1.* Insecta appellata ab incisuris, quæ nunc cervicem loco, nunc pectorum atque alvi præcinctis separant membra tenui modo fistula coherentia.

Insecta sunt vel μεταμορφῶνται, hoc est, quæ nullam subeunt formæ mutationem; vel μεταμορφεύµενα, hoc est, quæ formam mutant.

Insecta μεταμορφῶνται sunt vel ἄποδα seu Pedibus destituta, vel Pedata. Ex his nonnulla pellem aliquoties mutant.

Ἄποδα sunt vel

Terrestria, seu extra aquas nascentia, quæ vel
 In terra nascuntur; Lumbrici terrestres, qui vel
 Majores; Lumbrici terrestres vulgares, qui
 matutino tempore bini conjuncti passim observantur, Dew-worms, Anglice dicti.
 Minores; 1. Rubicundi, majoribus concolores.

A

2. Viridēs.

2. *Virides*. 3. *Caudis flavicantibus*; Anglicè
 𐌂𐌿𐌲𐌰𐌹𐌳𐌰𐌹𐌳𐌰 dicti.

In intestinis Animalium, & primò

Hominis; *Lumbrici* intestinorum, qui 4 sunt
 Generum; nimirum, 1. *Teretes*: 2. *Lati*, *Tæ-*
niæ dicti. 3. *Cucurbitini*; quos nonnulli ni-
 hil aliud esse volunt quàm tæniarum parti-
 culas seu fragmenta disrupta. Verum D.
Nicolaus Andri, M. D. *Parisiensis*, in libro *De*
variis Vermium speciebus in corpore humano ena-
tis, corpora hæc, *Solii* dicti *lumbrici* ova ef-
 se contendit. Quem consule *Tractatus præ-*
dicti cap. 3. Artic. 2.

Lumbrices latos seu *Teniæ* in duo genera di-
 stinguit D. *Andri*; nimirum, in *Teniam* pro-
 priè dictam, quæ nec motum habet, nec ca-
 put formatum. & *Solium*, quia *sola* est seu *so-*
litaria, in uno sc. corpore unica, quæ & mo-
 vetur, & caput habet regulare, rotundum,
 verruce simile, quarum descriptiones apud
 ipsum vide.

4. *Ascarides*, quæ in intestino recto præci-
 puè hospitantur.

Aliorum Animalium,

Oblongi & pellucidi, *Setæ* equinæ crassitie,
 qui in cavo abdominis aut thoracis plu-
 rimorum Animalium per sæpe reperiun-
 tur; *Vermiculi sotiformes*.

Breves & crassiores; qui in ventriculis &
 intestinis equorum non raro gignuntur,
 Anglicè *Wotts* dicti.

Plerique *Rei naturalis* *Autores* huc referunt *Limaces* tam
Nudas, quàm testâ *cochleatâ* *Testos*.

N. B. *Lumbrici lati* alia etiam *Animalia* præter homi-
 nes infestant, ut, v. g. canes sæpiissime: quos tamen ab
 humanis specie diversos esse aiunt.

Aquatica, seu quæ versantur in fluido,

Majora; quæ incessu sibi peculiari progrediuntur.
 nam capite seu anteriore corporis extremitate so-
 lo affixâ, caudam seu partem posteriorem proximè
 ad illud trahunt, quæ vicissim pari modo affixâ ca-
 put sustollunt, & quantum possunt protrudunt,
 iterumque

iterumque solo affigunt, caudamque sublatam ut prius attrahunt; & hunc motum continuant: suntque vel

Teretia; quorum 3 differentia, 1. *Medicinalia*, quae perforata cute sanguinem e corpore Animalium exugunt, *Hirudines*; quorum corpora striis secundum longitudinem variantur. 2. *Vulgaria subnigra*. 3. *Marina cinerea*. Haec omnes tres habent in ore carunculas dentiformes.

Lata & tenuia; minora Hirudinibus, & lapidibus ut plurimum in fundo rivulorum jacentibus adhaerentia.

Minora, modo à praedicto diverso incedentia, quae sunt vel

Teretia; quae vel 1. *Nigrum*, duobus in capite parvis cornubus, in frigidis montium excelsorum scaturiginibus lapillis adhaerescens. 2. *Rubens*: digitali longitudine, caudâ forcipatâ, in spiras convolutâ, quod in fundis stagnorum aut piscinarum limosis non raro invenitur.

Lata; Animalcula sunt perexigua tenuia, Rhombo pisci corporis figurâ similia, vel in aquis degentia, vel in ramis pori biliarii in ovibus. *Flukes* nonnullis dicta.

Insecta diuturniora Pedata.

Haec pro numero pedum dividi possunt in 1. *Hexapoda*, 2. *Octapoda*, 3. *Tetrastichopoda*, 4. *Pentapoda*.

1. *Hexapoda*, seu sex pedibus instructa, sunt vel

1. *Terrestria*, quae vel

Majora; eaque vel

Latiora, 1. Subflavum in truncis seu ligno Quercuum putridorum degens: 2. *Nigrum* in terra nascens, Vermivorum *Mouffero* dictum. 3. *Nigrum subterraneum*, caudâ forcipatâ. 4. *Albidum*

bidum punctis nigris quadratis in dor-
so.

Terebra, 1. Colore albicante in farina
natum, *Farinarium*. Huic congenere
observantur aliæ variæ species, in lignis
putridis, aut etiam in terra ortæ, co-
loribus differentes, nimirum, vel ca-
staneo, vel albido, duabus in caudâ
maculis nigris, vel duabus è caudâ
spinulis emergentibus.

Minora; seu

Animalibus infesta,

{ *Odore fætido* insignis, *Cimex*. *The*
Wall-louse.

{ *Non fædens*, 1. *Ricinus*, *The Tick*.

2. *Pediculus vulgaris*, *The com-*
mon Louse. 3. *Pediculus ferus*

seu *inguinalis*, *The Crab-louse*.

4. *Pulex*, *The Flea*. His ad-
dendæ sunt variæ *Ricinorum* &
Pediculorum species, oves, por-
cos, aliâque animalia infestantes.

Animalibus non molesta, 1. *Velox* & *agile*,
in libris & ligno putrido nascens, mag-
nitudine & figurâ pediculi. 2. Cor-
pore prælongo, caudâ forcipatâ. 3.
Nigrum in floribus *Chelidonii* mino-
ris observatum. 4. Albicans subter-
raneum. 5. *Saltatrix Locustarum* in
modum. Hæc tria proximè scripta
corporis figurâ ad *Staphylinum* acce-
dunt.

2. *Aquatica*, 1. *Pediculus marinus grandis*, pis-
cibus adhærens, 4 pedibus genuinis, uncis un-
guiculis armatis, & duobus parvis spuris. 2).
Squilla fluvialilis, caudâ pyramidali cum dua-
bus fetis.

2. *Oscapoda*

{ *Caudata*, cum aculeo in extremâ cauda, *Scorpio*.

{ *Non caudata*, 1. *Araneus*, qui vel *textrinam* non
exercens, cruribus prælongis, oculis binis, *Opi-*
lio, *The Shepherd*.

Hojus

Hujus tres differentias novimus, Majorem, Mediam, & Minorem, vel *textrinam exercentas*; vel 1. Abdomine tumido, subrotundo & elato, ut *Aranea Colcestrensis* dicta: vel 2. Thorace seu mediâ corporis regione prægrandi, & abdomini ipsi æquali: vel 3. Abdomine prælongo, inter arundines, juncos, & gramina frequens. Horum forcipes longiores sunt, magisque conspicui quam aliorum.

2. *Ricini Octapodes*, qui vel *compressiores* sunt, coloris castanei, vagi seu ambulones, supra animalium cutem reptantes, non tamen ei se affigentes; vel *tumidiores* cuti se affigentes, subcœrulei.

3. *Syrones*, Angl. *Whites*. Hujus generis minimi.

3. *Τετραπτερυγία ποδα*, seu 14 pedibus donata, *Aselli*, quorum tres species novimus; 1. *Maritimus* est, in rupibus degens, reliquis major & longior. 2. *Lividus*, qui in globulum se convolvit, Angl. *Woodlice and Sows and Cheese-Bugs*. 3. *Afininus*, caudâ bifurcâ, minùs gibbus quàm *Lividus*, nec in globum se colligens. His addenda, 1. *Asellus marinus* figuræ brevioris, in globulum se convolvens. 2. *Asellus aquarum dulcium*, binas habens in caudâ fetas, crura longiora. 3. *Pulex aquaticus*, squillæ nonnihil similis, saltatrix, tum in aquis salis, tum in dulcibus degens. 4. *Pediculus aquaticus*, piscibus infestus, quibus adhærescit. Hujus datur species candata, duabus sc. in caudâ productioribus setis.

Pedibus viginti quatuor: anterioribus octo minoribus, posterioribus sexdecim majoribus, figuræ diversæ, corpore longo; cujus duæ observantur species, altera major, coloris obscurioris, in rupibus maritimis degens; altera coloris argentei in domibus.

Pedibus triginta; Animalculum oblongum, coloris castanei, corpore pleno seu compresso, sub lignis seu truncis arborum plerumque latitans, velox & agilis.

4. *Πολύποδα*,

Terrestria, quæ sunt corpore vel

Tereii seu *subrotundo*, singulis crurum conjugationibus, è medio ventre proximè, seu ex eodem puncto ortis, *Julus*.

Plano seu *compresso*, pedibus non è medio ventris,

ventris, sed è lateribus ortis; *Scolopendra*.

Aquatica, quorum tres novimus differentias, 1. *Corpore tereti*, seu subrotundo, pedibus 38, quibus pro esca ad piscandum utuntur, *Lugs Cornubiensibus* dicta. 2. *Corpore plano*, *Scolopendra marina*. 3. *Animalculum bicorpor*, seu *bicaudatum* in petrarum foraminibus sub aquis latitans, in mari prope *Liburnum* observatum.

Hanc Methodum Insectorum intransmutabilium D. *Francisco Willughby* debemus.

Insecta μεταμορφώμενα.

Sequuntur Insecta *μεταμορφώμενα*, h. e. quæ mutationem aliquam formæ patiuntur; in quibus disponendis Methodus *Swammerdamiana*, à variis transmutationum modis & ordinibus desumpta, præ aliis nobis arridet.

Prima Transmutationis species (*Swammerdamio* secunda.) instantanea est, nullâ inter veterem & novam formam interpositâ quiete aut *ἀοισή*. Hujus ordinis Insecta non amittunt motum eo tempore quo pelliculam vertunt, verum omni motu eundi, currendi, saltandi, & similibus ad escam inveniendam gaudent, neque eo destituuntur, nisi eo ipse fortasse momento, quo exuvias exuunt. Secundus igitur mutationis ordo (describente *Swammerdamio*) est, quando vermiculus priori nymphæ formâ, quâ in ovo absque alimento conspiciebatur, relictâ, paulatim assumptis alimentis, per epigenesin in membra evidentiora excrescit, donec dein iterum in alteram nympham abeat, non tamen motus expertem, ex quâ, ceu Insectum alatum in lucem prodit.

Hujus generis sunt, 1. *Libellæ* seu *Perle*. Prodeunt autem *Libellæ* ex Insectis hexapodibus, *Mouffeto*, p. 322. pro pulicibus marinis depictis, & pag. præced. pro Locustis aquaticis. Ex horum crustis seu cute crustacea erumpunt *Libellæ*, per fissuram, quæ incipit inter oculos, & continuatur ad radicem rudimentorum alarum, ubi laterali utrinque fissurâ plerumque conjungitur, observante D. *Willughby*.

Horum

Horum coitus, ex sententia *Swammerdamii*, mirabilis est, & captum omnem humanum superans. Masculus enim dum per aerem volans, in eodem libratus; innumeros pingit, horsum & illorsum ludibundus, mæandros, atque eundem centum gyris diffindit; ineffabili dexteritate novit, qui suæ fœmellæ caudam porrigat, quam illa inter oculorum capitique confinia receptam pediculis suis igneo amore tenerrimo circumplectitur, & benevolentia maritali blandiens, circumflectit naturalia sua, sita in extremitate caudæ, ad mariti sui virilia, in medio abdomine prominula, rorem genitalem depluentia.

2. *Cimices sylvestres* nihil cum Cimicibus lectulariis commune habentes, præter foetorem. Horum notæ characteristicæ, adnotante D. *Willughby*, sunt, 1. Longa proboscis, sub ventrem flexa, recta, & non spiralis. 2. Alæ superiores ad medium ferè crassæ & coriaceæ, deinde tennes & membranaceæ. 3. Forma Crucis S. Andree in dorso, ex concursu membranaceæ & coriaceæ partis alarum. In ipso transmutandi actu insectum hoc vidimus. Sunt autem Cimices sylvestres vel *Terrestres*, vel *Aquatici*. Terrestres figuræ vel *latis*, quorum 16 species observavit & descripsit D. *Willughby*; vel *longioris*, quorum septem.

3. *Locustæ*, quas ad Insecta *aquatilis* refert D. *Willughby*. Quin & *Swammerdamius* ipse faterur, Nympham-vermiculum in hoc Insecto vix differre à Locustâ; hoc est, animalculum quod ex ovo Locustæ exit, & Locustæ formâ nutritur & crescit, non aliter differt à Locustâ, quàm quod alæ in Locustâ expansæ, & corpusculo superinstructæ sint, in nympa illa præcedanea quatuor globulis, ceu in libellis, convolutæ conspiciantur.

Locustæ nonnullæ alarum ad se invicem, aliæ alarum ad pedes posteriores celeri affricu stridorem edunt. Observavit *Swammerdamius*, non fœmellas, sed solos masculos cantillare. Locustæ *Mantes* dicuntur, quæ thorace sunt prælongo, & pedes primores ad cœlum ferè semper sustollunt.

4. *Grylli campestris*. In hoc etiam genere masculi solummodo cantillant.

5. *Grylli domestici*, *Crickets*. Horum uterque stridorem edunt Locustarum instar cum quibus genere convenire videntur.

6. *Gryl-*

6. *Gryllo-talpa* etiam ad idem Genus pertinent; quæ itidem quaterna in dorso tubercula alarum receptacula ostendit.

7. *Cicadam* huic ordini adscribendam censet *Swammerdamius*, quod *Aldrovandus* depinxit nobis *Tettigomeram*, cum tuberculis in dorso prominulis, quibus, ceu in globo flores, continentur alæ hujus Insecti.

8. *Blattam* etiam huc spectare existimat idem *Swammerdam*, in qua tubercula toties dicta primulum tantum prodeuntia observavit.

9. *Tipulæ aquaticæ* supra aquarum superficiem celerimè currentes. Aculeum ut *Cimices* in ore habent. *Swammerd.*

10. *Scorpius aquaticus*, qui aculeum suum ore quoque circumgerit.

11. *Musca aquatica*, quas *Apes amphibias* *Aldrovandus*, ut *Apes feras* *Jonstonus* dixerunt, quarum 4 species possidebat *D. Swammerdam*.

12. *Hemerobius* seu *Ephemera* & *Diaria* *Swammerdamii*: de quo integrum librum scripsit.

13. Tandem *Forficula*, seu *Auricularia*, ad hunc ordinem spectat. Cujus (inquit *Swammerdam*.) penes nos est ipsum Insectum alis jam expansis, necnon *Nymphavermiculus*. Alarum respectu cum *Scarabæis* convenit, nisi quod vaginæ alas regentes multò minores & breviores sint. *Forficulas* si in loco aliquo tabulave scirpo huc illuc repuleris, expansis continuo alis, quæ sub elytris conduntur, avolant. *Mouffet. 175.*

Secunda Transmutationis species Insecta ea complectitur, quæ duplicem metamorphosin subeunt, 1. in *Chrysalida* aut quoddam ei analogum; 2. in animalculum volatile aut alatum. Hujus ordinis Insecta ante mutationem aliquandiu quiescunt, nec se loco movent, & inedia patiuntur. Dividi autem possunt alarum respectu, in

{ *Κυλίστρα*, seu *Vaginipennia*, *Scarabæi*. *Beetles.*
{ *Ἀνύστρα*, seu alis detectis, quæ vel alis sunt

Farinaceis;

{ *Farinaceis* ; *PAPILIONES*, &c. *Butterflies*.
 { *Membranaceis* ; *APES*, *MUSCÆ*, &c. Hæc autem
 sunt vel

{ *Διπτερά*, *Bipennis*.
 { *Τετραπτερά*, *Quadrupennis*.

1. *Scarabæi* dividi possunt vel *Cornuum* respectu in *Nasicornem*, *Bucrota*, *Cervum volentem*, seu *Taurum* : vel 2. & præcipuè antennarum, in plura genera, è quibus præcipua sunt *Capricorni* dicti : vel 3. motus respectu, ut *Saltatrices*, qui seu proni seu supini, capite & thorace ad humum retinendo exsultant in aera ; unde illis nomen *Scarabæi-Locustæ* dedit D. *Swammerdam*. item *Sonicephali Swammerdamii* dicti, *Death-watches* nostratibus : vel 4. à colore, *Cantharides*.

2. *Cicindela* è *Scarabæorum* genere est, impennem intelligo : nam & in aliis *Insectorum* volantium generibus foeminae impennes sunt, ut v. g. *Formicis*. Eruditissimus Vir D. *Benjamin Allen*, M. Bac. æstivo tempore, nocte serâ ad lucernam in conclavi accensam *Cicindelas* mares sæpissime ad foeminas in pyxide aperta ibidem adservatas sponte advolasse, cùmque iis coivisse non semel tantum, sed sæpius observavit : Volantes autem quamvis plures unâ fuerant, nunquam ad se mutuo appropinquasse, aliòsve cum aliis rem habuisse vidit. Idem olim à se observatum scribit D. *Carolus Vintimiglia*, in Epistola ad D. *Fab. Columnam*.

3. *Staphylinus* ; qui tum figurâ corporis angustâ & oblongâ, tum vaginarum parvitate & brevitate, unde *μικροβήτης* D. *Willughby* dicitur, à *Scarabæo* differt. Mirum certè, tantas alas, quibus tam perniciousè volat, intra tantillarum vaginarum angustias, complicari & concludi posse.

4. *Proscarabæus*, *The Oil-Beetle* Anglicè, sic dictus quia paululum compressus oleum ab articulis undique emittit. Hic elytra seu vaginas habet, sed nullas subtus alas, quantum nobis hætenus observare licuit.

Anelytra alis farinaceis *Papiliones* dicuntur, sũntque vel *Diurnæ* ; vel *Nocturnæ*, seu *Phalænæ*.

Diurnarum nota certissima est, Antennas habere clavatas ; cui adde alis erectis sedere, & ex *Aurelia* angulosa prodire. Harum circiter 50 species in Angliâ observavimus.

B

Nocturnæ

Nocturnæ seu *Phalænæ* numerosissimæ sunt, nec ad methodum claram facillè reduci possunt.

Nos eas clarioris intellectus & memoriæ causâ, primò in *Geometrigenas*, hoc est, quæ ex erucis 8 aut 10 pedibus donatis prodeunt. Erucæ hæ *Geometræ* dicuntur ab incessus modo, ansatim; 2. in eas quæ ex erucis 14 pedibus instructis oriuntur, dividimus. Ex harum quia numerosissimæ sunt acervo exemimus 1. *Phalænas fasciatis*, h. e. quarum alæ areâ transversâ latiusculâ unâ vel diversi à reliquâ alâ coloris dividuntur. 2. *Phalænas lineatas*, h. e. quarum alæ lineâ pariter transversâ, unâ vel pluribus, insigniuntur. 3. *Phalænas punctatas*, h. e. quarum alæ puncto unico vel pluribus notantur. His exemptis reliquas miscellaneas magnitudinis respectu in *maximas*, *medias*, *minores*, & *minimas* distribuimus. Quæ genera arbitraria esse, & à natura minime definita agnoscimus.

In harum nonnullis præcipue & maximis, alæ interiores cum sedent ultra exteriores ad imum excurrunt. 2. In aliis alæ oculatæ sunt, seu maculis ophthalmoidibus, vel in singulis alis singulis, vel in interioribus tantum pulchrè depictis. 3. Caudâ sed præcipuè alis angustis sunt & acutis: quas *Prædatrices* seu *Accipitrinas* vocant.

Papilionum longiorum alis pennatis prædictarum genus ab aliis omnibus longe distinctum, per oblivionem pæne præterissemus.

4. *Alis membranaceis* prædita sunt *Apes*, *Bombylii*, *Vespe*, *Crabrones*, &c. Bombyliorum in gramine nidificantium *Eulæ* seu *Vermiculi* ex ovis prodeuntes glabræ sunt, colore carneo-albicante, in annulos divisæ, ventre planiore, dorso gibbo & elato, rostro acutiore, caudâ obtusiore, erithaca aut materia quadam erithacæ simili circumdatæ, quæ eis pro alimento inservit, in qua latitantes in globulum ferè convolvuntur, caudâ ad caput adducta asellorum instar. Cum justam magnitudinem adeptæ sunt, folliculos validos & velut coriaceos sibi meripis texunt, illique inclusi in *Nymphas* mutantur, cumque debitam perfectionem & partium soliditatem assecutæ sunt, disrupto aut exeso folliculo apum formâ prodeunt.

Eundem transmutationum ordinem præculdubio observant *Apes*, *Crabrones*, *Vespe*, &c.

Culex

Culex vulgaris huc pertinet, quem *Swammerdamius* accuratè describit *Hist. Insect.* p. 95. *Edit. Lat.*

Ad hunc ordinem *Formica* etiam spectant; è quorum ovis primò excluduntur Vermiculi Apodes, qui in Aurelias transmutantur, deinde in Formicas exeunt. N. B. In nonnullis Formicarum cumulis pro Aureliis Nymphas nudas observavimus.

Huc refert D. *Swammerdam* 1. Muscam chrysopin ipsi dictam. 2. Muscam florilegam nigram, infestissimam florescenti veri. Solent hæ quandoque gregatim hortos camposque suo flore spoliare, adeoque extinguere spem anni. 3. Muscam papiloni æmulam. 4. Muscam scorpionem. 5. Muscam carnivoram, quam *Belgæ* *Cæsarem* vocant. 6. Muscarum vulgarium 14 species; necnon 7. Muscarum rariorum viginti quatuor.

Huc etiam referendæ sunt Muscæ papilionaceæ è *Phryganeis* ortæ, observante D. *Willughby*. qui *Phryganeis* vulgaris metamorphoses sic describit. Mense Julio (inquit) è theca seu integumentis ereptat, & pellem mutat. Pedes & antennæ fiunt longiores & alarum primordia sub pectore, ut in Aureliis, apparent, sed illis vivacior est multò & primo pedum pari insistit: non ita multo post denuo cutim exuit, & Musca papilioniformis prodit, pedibus longioribus, colore ruffo-fusco, antennis directè antrorsum extensis, oculis nigris protuberantibus.

Insectorum aquaticorum thecis se protegentium differentie, ex observatione D. *Willughby*.

Insecta aquatica thecis se contegentia, sunt vel thecâ

Immobili, seu lapidibus affixa; corpore vel

{ *Subrotundo*, cum filamentis ad latera.

{ *Plano & compressiore*, absque filamentis.

Mobili aut *portatili*, migratoriâ, *Phryganea* vulgò dicta filamentis tam in dorso, quam in lateribus donata, quibus thecis firmiter adhærescunt, caput & pedes referencia, cum tribus ultra pedes tuberculis, quæ pro libitu erigere aut exerere possunt, ad impediendum nè thecæ inter ambulandum capitibus incumbentes negotium eis facessant. Suntque vel thecis

Reffis, vel habentibus

Festucas agglutinas, easque vel

Parallelas, quorum duæ species, 1. Major
duas uncias longa, 2. Minor & vulga-
tissima, *Straw-worms*.

Transversas & breviores, quibus interdum
admiscuntur lapilli & conchulae.

Festucas nullas adhærentes, sed lapillos aut are-
nulas, quæ vel

Teretes, vermiculis intus *Codbaits* di-
ctis.

Plana seu *compressæ*

Lapillis majusculis thecæ lateribus
adhærentibus, nunquam supinæ
aut pronæ parti, unde necessario
planæ aut compressæ apparent.

Nullis ad latera adhærentibus *la-
pillis*, sed thecâ utrinque in te-
nuem marginem seu limbum
procurrente, velut alas quas-
dam; thecâ planiore & com-
pressiore quàm in superiore.

Incurvis, seu cornutis mavis dicere. Sunt enim
horum thecæ incurvæ, & una extremitate majo-
re, altera minore. Harum 4 novimus differen-
tias, nimirum, *Nigrum* majus & minus, cinere-
um majus & minus.

Hæc omnia muscas producant alis peramplis, Papili-
onum æmulis. Horum Nymphas, nimirum ex iis ver-
miculis oriundas, qui instar Testudinum domunculas
suas secum circumferunt, quas intra nymphescunt, ex
quibus Nymphis postea oriuntur parvulae Muscæ. D.
Swammerdam ad quartum suum transmutationum ordi-
nem refert; cum nostrâ sententiâ ad Tertium perti-
neant, quia pellem bis mutant; prima vice *Vermi-
culi*, alterâ *Aureliæ* seu Nymphæ; non autem vermiculi
pellem retinent, & simul cum illa Aureliæ exuunt: quæ
hujus Generis est characteristica. In eo etiam errare
videtur, quòd Muscas hæc parvulas appellat.

Infecto-

Insectorum Secundi hujus generis, alis membranaceis
præditorum, Tabula.

Hæc vel sunt

- Tetradactylæ*, seu *Quadrupennia*, vel
 - Gregaria & Favifica*, vel
 - Mellisfica*; corpore
 - Longiore, angustiore & glabriore*; **APIS**
MANSUETA.
 - Breviore, latiore, & hirsuto*; **BOMBYLIUS.**
 - Non mellisfica*,
 - Majora*; **CRABRONES.**
 - Minora*; **VESPÆ.**
 - Solitaria*, non *Gregaria* neque *Favifica*.
 - Apiformia.*
 - Vespiiformia*, eaque vel corpore
 - Breviore & habitiore*, abdomine **Thoraci** prope admota, **MUSCÆ VESPIFORMES.**
 - Angustiore & productiore*, abdomine tenui & longa fistula **Thoraci** adnexo; **VESPÆ ICHNEUMONES**; quæ vel *maiores* vel *minores.*
 - Papilioniformia*, è *Phryganeis* seu vermiculis domiportis oriunda.
 - Seticauda* seu tripilia.
- Alatæ*, seu *Bipennia*, **CULEX.**

Tertia Metamorphoseos species simplex est è vermiculo in animalculum volatile, interposita aliqua quiete & *diuturnitate*.

Hanc sic describit *Swammerdamius*, Quartus itaque ordo mutationum est, quando vermiculus ex ovo exclusus paulatim ab assumpto extrinsecus alimento, sub velamine seu cuticula sua in membra reliqua succrescit, donec tandem in illo velamento, quod non, ut quidem reliqui vermiculi nymphescentes, exuit, nymphæ subit figuram, & omni motu destituitur, qui tamen motus,

tus, evaporatione superflui humoris, paucis diebus interjectis recuperatur. Hinc etiam cum hoc Insectum Nymphæ exuvias exuit, duplicem quasi senectam rejicit seu binas cuticulas, quarum exterior est paulo crassior; cum reliquæ Nymphæ nonnisi simplicem membranam exuviarum modo rejiciunt.

1. Huc pertinent *Musca carnaria*, quarum ab ovo mutationum processum sic describit D. Willughby. Ova Muscarum alba sunt, oblonga, ex quibus erepit, & putamina vacua relinquit Eula seu Vermiculus, nunquam nec in ultima transmutatione, Erucarum, &c. modo, eutem exuit; sed cutis paullatim indurescit & contrahitur, donec tandem abeat in figuram oblongo-rotundam, annulis distinctam, coloris ex fusco spadicei, in quo & caput & cauda facile adhuc possunt distingui. Tandem duabus simul pellibus exutis *Musca carnaria* formam erumpit.

2. Huic ordini adserendæ sunt *Nymphæ vermiformes*, ex contractis in rotundiorum formam vermiculis oriundæ, quas deprehendimus in vermium erucarumque corpusculis prima initia seu alimenta sua habere. Ex iisdem vermiculis velamento suo abditis, atque inibi immobiliter nymphescentibus, interjecto paucorum dierum spatio, multas & diversas Muscarum species exoriri vidimus. Swammerdam. At non solus fuit D. Swammerdam qui hæc Insecta, sc. vermiculos observavit. Viderunt & descripserunt insignes Viri D. Willughby & D. Lister, qui pluribus de eorum origine agit.

3. Huic ordini addimus *Nymphas vermiformes*, quas aliquin *vermiculorum* ova appellant, ex corrugatis in rotundiorum formam vermiculis oriundas, qui dicuntur è putrescentibus Chrysalidum corpusculis generari. Quibus ex vermiculis intra cuticulam suam abditis, atque ita nymphescentibus, paucis diebus præterlapsis, exoriuntur variae Nympharum species. Swammerd.

4. Ad hunc ordinem *Nymphas vermiformes* referimus, quæ ex vermiculis intra Chrysalides corrugatis, atque illic intra cuticulam suam oviformem mutatis generantur. Hoc tamen paulò rariùs contingit, quandoquidem hi vermiculi, ubi sufficienti robore adoluerunt, plerunque ex Aureliis prorepunt.

5. Tandem

5. Tandem huic ordini adscribit *Nympham vermiformem* ejus Insecti, cui *Goedartius* nomen fecit *Apis mansuetæ*, cum potius sit *Musca stercoraria*, quæ originem vermiculo debet longissimè caudato, & latrinarum incolæ. Hic vermiculus, ut omnes recensiti (inquit) paulum indurescit, & intus intra cuticulam non rejectam mutatur in *Nympham*.

6. Reliquas plerasque muscas quas ad hoc Genus refert *D. Swammerdam*, nobis ad præcedens potius pertinere videntur. Nam quas decimo tertio in loco ad hunc mutationis ordinem accenset, *Nymphæ ex iis vermiculis oriundæ*, qui instar testudinum domunculas suas secum circumferunt, intra quas nymphescunt; ex observatione *D. Wilughby*, duplicem pellem exuere, non simul, sed unam post aliam, jam diximus.

Quas etiam decimo quarto in loco huic ordini donari posse censet, nimirum, *Nymphæ* in verrucosis plantarum arborumque excrescentiis, &c. repertæ, ad præcedentem potius spectant. Nam curiosissimus *Mentzelius Ephem. German. Ann. 12. Observ. 10.* spongiolas aliquot Rosæ caninæ dissecuit, ut interiora perlustraret; & invenit in quibusdam cellulis termites parvos, albos, incurvatos, (quos etiam mensibus Martio & Aprili in spongiolis observavit) in plurimis autem pupulas albicantes cum capitulis suis exquisitè visibilibus; in quibus oculi nigricantes prominebant. Sedebant autem in loculis suis tanquam Embryo in utero materno.

Die septimo Julii dissectæ spongiolæ embryones omnes suis jam cœli & purpuræ coloribus vestitos exhibebant; indicio quòd in cellulis suis eruculæ seu termites in pupulas, ex his in vespulas perfectas transmutentur.

Nec dubito quin easdem mutationes subeant muscæ illæ parvæ quæ originem suam debent vermiculis illis quæ ex *Erucis Brassicariis* exeunt, sibi que telas sericeas flavas texunt, de quibus in catalogo Plantarum *Cantabrigiensium* egimus. Hoc genus muscarum plurimæ sunt species, non enim Brassicarias tantum Erucas compungunt muscæ illæ audaces, quadripennes, quas *Vespas ichneumonæ* vocant, inque earum corpora ova sua inmittunt, sed plurimas alias ex observatione nostra; ova ibidem foventur donec vermiculos excludunt. Vermiculi
passi

passi donec perfecti sunt ex Erucis erumpunt, & telas sibi quamprimum texunt, non tamen omnes colore flavas, sed non pauciores albas.

Quid plura? Nobis, ut verum fateamur, Muscarum plurimarum origines & transmutationes nondum satis perspectæ sunt. Verum ex Amicorum observationibus communicandis accuratiorem Muscarum Methodum nos brevi composituros speramus.

F I N I S.

